



Euroopan unionin
osarahoittama

Adeegyada sooshalka ee qoysaska carruurta leh

Lapsiperheiden sosiaalipalvelut



Adeegyada sooshalka ee qoysaska carruurta leh

Adeegyada sooshalka ee qoysaska carruurta leh waa adeegyo loogu talagalay qoysaska.

- Waxay caawiyaan carruurta iyo waalidiinta.
- Waxay taageeraan koritaanka ilmaha.
- Waxay caawiyaan waalidiinta nolol-maalmeedka.



Adeegyada sooshalka ee qoysaska carruurta leh waa tusaale ahaan

- Shaqada sooshalka ee qoysaska carruurta leh / Shaqada sooshalka ee qoysaska ilmaha leh (bilaash)
- Badbaadada carruurta (bilaash)
- La-talinta tarbiyadda iyo qoyska / Rugta la-talinta qoyska (bilaash)
- Adeegga guriga ee qoysaska carruurta leh (raqiis, dadka dakhligoodu yar yahay waxay u tahay bilaash)
- Hagista qoyska ee taageerada hore (bilaash)

Shaqada sooshalka ee qoysaska carruurta leh (shaqada sooshalka ee qoysaska ilmaha leh) iyo badbaadada carruurta

Iyadoo loo marayo shaqada sooshalka ee qoysaska carruurta leh iyo badbaadada carruurta waxaa la heli karaa tusaale ahaan adeegyada soo socda:

- Shaqada qoyska
- Taageero dhaqaale
- Shaqada sooshalka, hagista sooshalka iyo la-talin
- Qoysaska taageerada
- Shaqaalaha taageerada

Adeegyadu waa bilaash



La-talinta tarbiyadda iyo qoyska (Rugta la-talinta qoyska)


La-talinta tarbiyadda iyo qoyska waxay leedahay afar hawlood oo waaweyn:

- Taageeridda waalidnimada
- Taageeridda koritaanka iyo horumarka ilmaha iyo dhallinyarada
- Taageeridda xiriirka lammaanaha iyo xiriirrada qoyska (sidoo kale xaaladaha kala tagga iyo haddii ay jirto dhibaato degdeg ah)
- Bixinta caawimaadda iyo talooyinka ka yimaada xirfadlayaasha

Adeegga la-talinta tarbiyadda iyo qoyska waa mid qarsoodi ah oo lacag la'aan ah.

La-talinta tarbiyadda iyo qoyska waxaa ka shaqeeya xirfadlayaal tababaran.





Adeegga guriga ee qoysaska carruurta leh

Adeegga guriga ee qoysaska carruurta leh waa caawimaad guriga loogu talagalay qoysaska carruurta leh.

Waxay caawisaa marka:

- Waalidku daalan yahay ama xanuunsan yahay.
- Qoyska waxaa ku jira ilmo yar.
- Nolol-maalmeedku aad buu u culus yahay.
- Waxaa loo baahan yahay caawimaad daryeelka carruurta sababo la xiriira booqashooyin isbitaal ama daawayn oo lama huraan ah.

Adeegga guriga shaqaaluhu wuxuu:

- Caawin karaa daryeelka carruurta.
- Caawin karaa shaqooyinka guriga.
- Taageeri karaa nolol-maalmeedka waalidiinta.

Ujeeddada adeegga guriga waa in la caawiyo qoyska si ay ugu adkaystaan nolol-maalmeedka.

Hagista qoyska ee taageerada hore

Hagista qoyska ee taageerada hore waa caawimaad qoysaska la siiyo waqtigeeda, ka hor inta caqabaduhu aysan badan. Hagista qoyska

- Waxay caawisaa marka nolol-maalmeedka ay jiraan welwello yar.
- Waxay taageertaa waalidnimada iyo adkaysiga.
- Waxay bixisaa talooyin ku saabsan daryeelka iyo tarbiyadda ilmaha.
- Waxay caawisaa in nolol-maalmeedka laga dhigo mid fudud.

Deegaannada nolol-wanaagga kala duwan waxaa ka jira adeegyo kala duwan oo hagista qoyska ee taageerada hore ah.

Qaar ka mid ah deegaannada nolol-wanaagga hagista qoyska ee taageerada hore waxaa loogu yeeraa “shaqada qoyska ee hore” ama “shaqada qoyska ee taageerada hore”.



Euroopan unionin
osarahoittama

Niitty 2 -hanke 2023-2026

Yhdessä maahanmuuttajaperheiden
hyvän arjen puolesta

Lisätietoa hankkeesta:
<https://projects.tuni.fi/niitty2/>

Perheinfo-aineistoportaali:
tuni.fi/perheinfo



**Pirkanmaan
hyvinvointialue**



TAMPERE